

Headline	TNB nasihat orang ramai waspada tawaran kerja mencurigakan		
MediaTitle	Sinar Harian		
Date	12 May 2016	Language	Malay
Circulation	279,000	Readership	837,000
Section	Nasional	Page No	13
ArticleSize	112 cm <sup>2</sup>	Journalist	N/A
PR Value	RM 5,731		



## TNB nasihat orang ramai waspada tawaran kerja mencurigakan

**KUALA LUMPUR** - Orang ramai dinasihatkan agar berwaspada dengan tawaran pekerjaan di Tenaga Nasional Berhad (TNB) tanpa melalui proses pengambilan warga kerja yang diamalkan oleh syarikat itu.

TNB dalam satu kenyataan, semalam, berkata, pihaknya telah menerima beberapa aduan mengenai tawaran kerja oleh individu yang menyamar sebagai warga kerja di syarikat bekalan elektrik terbesar di Malaysia itu.

Lebih membimbangkan



individu yang menyamar itu turut meminta sejumlah wang sebagai ganjaran kerja selain memajukan surat tawaran kerja palsu.

Menurut kenyataan itu, pengambilan warga kerja oleh syarikat berkenaan akan dibuat menerusi iklan termasuklah di laman web [www.tnb.com.my](http://www.tnb.com.my) atau terus ke link <https://emas-dis.tnb.com.my> serta portal

*JobStreet.com* dan bukannya melalui individu tertentu.

Malah, TNB juga tidak sama sekali meminta atau menerima sebarang pembayaran daripada pemohon kerana proses permohonan jawatan di syarikat berkenaan tidak membabitkan sebarang bayaran.

Justeru, mana-mana pihak yang menerima tawaran kerja mencurigakan dinasihatkan untuk berhubung terus dengan TNB di talian 03-22966537 atau 03-22966818.  
- Bernama